

单子知陈必亡

周语中

国语

定王使单善、襄公

名朝、定王卿士。

聘于宋。

聘、问也。诸侯之于天子、天子之于诸侯、诸侯之于邻国、皆有聘。

遂假道于陈、以聘于楚。

自宋适楚、道经陈国。是时天子微弱、故以诸侯相聘之礼假道也。

火朝觐矣、道弗拂、不可行也、

火、心星也。觐、见也。朝觐、谓夏正十月、心星早见于辰。道弗、草秽塞路也。○一。

候不在疆、

候、候人也。掌迎送宾客者。疆、境也。○二。

司空不视涂、

司空、掌道路之官。○三。

泽不陂、

卑、○陂、泽障也。古不窾泽、故障之。○四。

川

不梁、

梁、桥梁也。古不防川、故梁之。○五。○伏辰角见一段案。

野有庾与积、

恣、○庾、露。积、聚也。以谷米露聚于外也。○六。

场功未毕、

场、收禾圃也。筑场未完。○七。

道无列树、

古者列树以表道。○八。

垦田若蓺、

即、○蓺、茅牙也。既垦之田、犹若茅芽、言其稀少也。○九。○伏周制有之一段案。

膳宰不致飨、

戏、○膳宰、膳夫也。掌宾

客之牢礼。生者曰飨。○十。

司里不授馆、

司里、里宰也。掌授客馆。○十一。

国无寄寓、

寄寓、旅次也。○十二。

县无旅舍、

去声、○四甸为县。县方六十里。旅舍、休息

居止之处、以庇宾客负担之劳。○十三。伏周之秩官一段案。

民将筑台于夏氏。

民、陈民。台、观台也。夏氏、陈大夫夏征舒之家。为淫其母、欲借以为乐。○十四。

及陈、陈灵公

与孔宁、仪行父、

甫、○孔、仪、皆陈大夫。

南冠以如夏氏、留宾弗见。

南冠、楚冠也。如、往也。宾、谓单襄公。○十五。○伏先王之令一段案。○

从单子入陈、至及陈所阅历者、错综先叙、后从单子口中、分疏作断、章法井然。

单子归、告王曰、陈侯不有大咎、国必亡。王

曰、何故。对曰、夫辰角见、而雨毕、辰角、大辰仓龙之角。角、星名。朝见东方、九月初、寒露节也。雨毕者、杀气日盛、雨气日尽也。天根

见而水涸、天根、亢氏之间也。涸、竭也。寒露后五日、天根朝见、水潦尽竭也。本见而草木节解、本、氐星也。寒露后十日、氐星朝见、草木之枝节、皆脱落也。驷见

而陨霜、驷、天驷、房星也。九月中、房星朝见、霜始降。火见而清风戒寒。火、心星也。霜降后、心星朝见、清风先至、所以戒人为寒备也。○五句以星见定时至、起下文。故先

王之教曰、引古。雨毕而除道、水涸而成梁、草木节解而备藏、陨霜而冬

裘具、清风至而修城郭宫室。除、修治也。备藏具、备收藏也。故夏令曰、夏后氏之令。○再引古。九月除道、

十月成梁。永涸系九月、而此言十月成梁者、谓輿梁也。其时儆曰、至期儆告其民。收而场功、饬雉、而畚、菊、○季秋农事毕、使人兴揭、

筑作也。而、汝也。饬、具也。畚、土笼也。揭、土罾也。营室之中、土功其始、营室、定星也。此星昏而正中、夏正十月也。于是时可以营制宫室、故谓之营室。火之初见、

期于司里、期、会也。致其筑作之具、会于司里之官。此先王之所以不用财贿、而广施、去声。德于天下者

也。惠而不费。○总一句。今陈国、征今。火朝觐矣、而道路若塞、野场若弃、泽不陂障、

川无舟梁、以舟为梁、即今浮桥也。是废先王之教也。结火朝觐六句。周制有之曰、引古。列树以表道、

表道、谓识其远近。**立鄙食以守路、**鄙、四鄙。十里有庐、庐有饮食。**国有郊牧、**国外曰郊。牧、放牧之地。**囿有林池、**囿、苑也。林、积木。池、积水也。**所以御灾也。**御、备也。灾、兵饥也。**其余**境界之上、有寄寓之舍、

人。**藪有圃草、**泽无水曰藪。圃、草、茂草也。**囿有林池、**囿、苑也。林、积木。池、积水也。**所以御灾也。**御、备也。灾、兵饥也。**其余**

无非谷土、种谷之土。**民无悬耜、**言常用之、不悬挂也。**野无奥草、**奥、深也。野皆垦辟、无深草也。**不夺农时、不蔑**

民功、蔑、弃也。**有优无匮、**优、裕也。匮、乏也。○从民无悬耜二句来。**有逸无罢、**同疲、○逸、安也。罢、劳也。○从不夺农时二句来。**国有班事、**

国、城邑也。土功井然有条理。**县有序民。**四甸为县。力役更番有次第。**今陈国**征今。**道路不可知、**指道无列树而言。**田在草间、**未垦者多。**功**

成而不收、即野场若弃。**民罢于逸乐、**疲于为君作逸乐之事。**是弃先王之法制也。**结野有庾积四句。**周之秩官**

有之曰、秩官、周常官篇名。○引古。**敌国宾至、关尹以告、**敌国、相等之国也。关尹、司关者。告、告君者。**行理以节逆之、**

行理、小行人也。逆、迎也。执瑞节为信、而迎之也。**候人为导、**导宾至于朝也。**卿出郊劳、**去声、○宾至近郊、君使卿朝服、用束帛劳之。**门尹除门、**门尹、司门者。

扫除门庭。**宗祝执祀、**宗、宗伯。祝、大祝。宾有事于庙、则宗祝执祭祀之礼。**司里授馆、**授客馆舍。**司徒具徒、**具徒役、修道路之委积。**司空视**

涂、视道涂之险易。**司寇诘奸、**禁诘奸盗、防剽掠也。**虞人入材、**虞人、掌山泽之官。**甸人积薪、**甸人、掌薪蒸之官。**火师监燎、**

火师、司火者。燎、照庭大烛。

水师监濯、

水师、掌水者。监涤濯之事。

膳宰致餐、

孙、○熟。食曰餐。

廩人献飨、

生曰飨。禾米也。

司马陈刳、

初、○司马、掌圉人养马。刳、菱草。

工人展车、

展省客车。补伤败也。

百官各以物至。

物、如供应之物。

宾入如归。

是故小大

莫不怀爱。

小大、谓宾介也。○非一顿、文势不平。

其贵国之宾至、则以班加一等益虔、

贵国、大国也、不比敌国。司事之官、皆用尊一级者、

而更加敬。

至于王使、

去声、

则皆官正莅事、

官正、官长也。用官长司事、班又加矣。

上卿监之。

监、察也。察其勤惰、尤致其虔。

若王

巡守、则君亲监之。

仍用官长司事、但自察之。班无可加、而虔极矣。王使是主、说得十分郑重。又带巡守句、更凛然。

○今虽朝也不才、

征

有分

问、族于周、

分族、王之亲族也。

承王命以为过宾于陈、

过宾、谓假道。

而司事莫至、

不但失班加益虔之制、且无以下同于敌国之宾矣。

是蔑先王之官也。

结膳宰不致饩四句。

先王之令有之曰、

引古。

天道赏善而罚淫、故凡我

造国、无从匪彝、无即慆淫、

造、为也。彝、常也。即、就也。慆、慢也。

各守尔典、以承天休。

典、常也。休、庆也。

今

陈侯、

征今。

不念胤

印。

续之常、弃其伉俪妃嫔、

胤续、继嗣也。伉俪、配偶也。

而帅其卿佐、以淫

于夏氏、不亦渎姓矣乎。

卿佐、孔仪也。夏征舒之父御叔、即陈公子夏之子、灵公之从祖父、妨姓也、故曰渎姓。○即慆淫矣。

陈、我大姬之后也、

大姬、武王之女、虞胡公之妃、陈之祖妣也。

弃衮冕而南冠以出、不亦简彝乎。

简彝、简略常服也。○从匪彝矣。

是又犯先王之

令也。

结民将筑台五句。

昔先王之教、茂帅

同率、

其德也、犹恐陨越。

茂、勉也。率、循也。陨越、坠落也。

若废其

教而弃其制、蔑其官而犯其令、将何以守国。居大国之间、而无此四

者、其能久乎。

大国、谓晋、楚。○总收一段、直结出不有大咎国必亡之故。

六年、单子如楚。八年、陈侯杀于夏

氏。

灵公与孔宁仪行父饮酒于夏氏、公谓行父曰、征舒似汝、对曰、亦似君、征舒病之、公出、自其廐射而杀之。

九年、楚子入陈。

楚庄王讨夏征舒、遂县陈。○单子之言俱验。

先叙事起、中分四段辩驳、引古征今、句修字削。而分断中、又复错综变化、读之不觉其排对之迹。自是至文。